

## ТАЪЛИМ ВА ФАН

5. Ўзбекистон Республикаси Вазирлар Маҳкамасининг “Профессионал таълим тизимида дуаль таълимни ташкил этиши чора-тадбирлари ҳақида”ги 163-сонли қарори, 2021 йил 29 марта.

6. Ўзбекистон Республикаси Вазирлар Махкамасининг „Ўзбекистон Республикасида узлуксиз бошланғич, ўрта ва ўрта маҳсус профессионал таълим тизимини тартибга солувчи норматив-хуқуқий хужжатларни тасдиқлаш төғрисида“ги 466-сондай карори, 2020 йил 7 август.

7.Авлиякулов. А “Дуаль таълим принципларини жорий этиш” модули бүйича ўқув-услубий мајсмуа. – Т.: 2020 йыл, 60 б.

<sup>8</sup>Proyecto de ley sobre educación dual avanza con nuevo texto: Ahora qué dice? Semanario Universal. (2019) Retrieved from <https://semanariouniversidad.com/pais/proyecto-de-ley-sobre-educacion-dual-avanza-con-nuevo-texto-ahora-que-dice/>

9. Bravo J. (2019) Diputados aprueban proyecto de educación dual. La Nación. Retrieved from [diputados-aprueban-proyecto-de-educacion-dual/7snph4itiravdebxhc4vc3xlfq/story/congolen](https://www.nacion.com/el-pais/educacion/diputados-aprueban-proyecto-de-educacion-dual/7snph4itiravdebxhc4vc3xlfq/story/congolen)

10. 2020 *Dual Education in Latin America: Challenges and Opportunities* 23 Inter-American Development Bank (IDB). 2013. (n.d.) *Support for the Implementation of the Impact Evaluation Program and Blockchain pre-pilot in the Bahamas*. Retrieved from <https://www.iadb.org/en/project/BH-T1063> Institute for Apprenticeship. (n.d.). *Route panels*. Retrieved from <https://www.instituteforapprenticeships.org/about/route-panels/> International Labor Organization (ILO).

<sup>11</sup> Dual education in montenegro Practical training in three-year educational programmes. © European Training Foundation and International Labour Organization, 2020. p. 56. [https://www.etf.europa.eu/sites/default/files/2020-09/dual\\_education\\_in\\_montenegro.pdf](https://www.etf.europa.eu/sites/default/files/2020-09/dual_education_in_montenegro.pdf)

12. Дудырев, Ф.Ф., Романова О.А., Шабалин А.И “Дуальное обучение в российских регионах: модели, лучшие практики, возможности распространения” Вопросы образования / Educational Studies Moscow, 2018. No 2, с. 117-138. DOI: 10.17323/1814-9545-2018-2-117-138

13. Эшуплатов К.А. "Замонавий иқтисодиётда меҳнат бозори ва қасбий таълим узвийлигини таъминлашини тақомиллаштириши" диссертация автограферати. Тошкент. 2018 йил, 59 б.

# **МАКТАБГАЧА ТАЪЛИМ БОШҚАРУВИДА ЖОРЙ ҚИЛИНГАН МЕНЕЖМЕНТ УСУЛЛАРИНИНГ НАТИЖАЛАРИНИ БАҲОЛАШ**

**Салихов Нодир Джамолович -  
БухДУ докторанти**

**Аннотация:** Мақолада мактабгача таълим тизими бошқарувининг самарасини аниқлаш, мактабгача таълим бўйича ҳудудлар рейтинги, мактабгача таълим тизимини бошқарувидаги иқтисодий усулларнинг аҳамияти, мактабгача таълим менежментига тарбиячи ходимларнинг ва тарбияланувчи болалар ота-оналарнинг фикрлари, таҳлиллар асосида мактабгача таълим менежменти бўйича тадқиқотчи ҳудосаси баён килинган.

**Таянч сүзлар:** мактабгача таълим, мактабгача таълим ташкилоти, таълим мененжменти, мактабгача таълим тизими, мененжмент иктисодий усуллари.

# ОЦЕНКА РЕЗУЛЬТАТОВ МЕТОДОВ УПРАВЛЕНИЯ, РЕАЛИЗОВАННЫХ В ДОШКОЛЬНОМ ОБРАЗОВАНИИ

**Салихов Нодир Джамалович -**  
**Докторант БухГУ**

**Аннотация:** В статье описаны эффективность управления дошкольным образованием, региональный рейтинг систем дошкольного образования, значение экономических методов в управлении дошкольным образованием, взгляды воспитателей и родителей дошкольников на управление дошкольным образованием, выводы исследователя управления дошкольным образованием, на основе анализа управления дошкольным образованием.

**Ключевые слова:** дошкольное образование, организация дошкольного образования, управление образованием, система дошкольного образования.

## **EVALUATION OF THE RESULTS OF MANAGEMENT METHODS IMPLEMENTED IN PRESCHOOL EDUCATION**

***Salixov Nodir Djamolovich -***  
*BukhSU doctoral student*

**Abstract:** The article describes the effectiveness of preschool education management, regional ranking of preschool education systems, the importance of economic methods in preschool education management, the views of educators and parents of preschool children on preschool education management, the findings of the researcher on preschool education management based on analyses of preschool education management.

**Keywords:** preschool education, preschool education organization, education management, preschool education system, economic methods of management.

**Кириш.** Ўзбекистон мактабгача таълим тизими бошқарувида замонавий менежмент механизми ва воситалари жорий қилинмоқда ва бу ислоҳотлар сўнгги йиллар ҳудудларда ташкил қилинаётган кўплаб мактабгача таълим ташкилотлари ҳамда улардаги ходимлар фаолиятини самарали ташкил қилиш ва бошқариш, натижада, таълим ва тарбия жараёнидаги ижобий сифат ўзгаришларида яққол кўриняпди.

Мактабгача таълим тизимини бошқарув фаолияти самарасини ўрганиш ва жорий ҳолатига баҳо бериб бориш мавжуд ютуқ ва камчиликларни аниқлаш, келгусида амалга оширилиши керак бўлган чора-тадбирларни белгилаб олишга ёрдам беради.

Мактабгача таълим тизими бошқарувида менежментнинг бозор иқтисодиётига хос бўлган тамойиллари ва усулларини жорий қилиш, тизимда амал қилаётган менежментнинг воситаларини таҳлил қилиш, бошқарув самарасига баҳо бериш долзарб бўлиб ҳисобланади. Мактабгача таълим тизими бошқаруви натижаларини таҳлил қилиш ва бошқарув самарасига баҳо беришда содда, бир томонлама ёндашувдан воз кечган ҳолда, кўп томонлама ёндашув, яъни ҳукумат, мактабгача таълим ташкилотлари ходимлари ва тарбияланувчи болалар ота-оналари нуқтаи назаридан қарашга, бошқарув фаолиятини чуқур таҳлиллар асосида ўрганишга қарор қилдик.

Кўплаб тадқиқотларда мактабгача таълим мазмуни, болаларга берилаётган таълим ва тарбиянинг сифати ўрганилган бўлиб, мактабгача

таълим бошқарувида менежмент тамойил, усул ва воситалари самараси ўрганилмаганлиги тадқиқот долзарблигини асослайди.

Тадқиқотда мактабгача таълим тизимида замонавий менежмент тамойиллари, усуллари ва воситалари жорий қилиниши таъсирида мамлакат ҳудудлари мактабгача таълим ташкилотлари сони ва мулкчилик шакли, мактабгача таълим мазмуни, ёш авлодга эътиборнинг ортиши, мактабгача таълим билан ёш авлодни қамраб олиш ишлари ўрганилди.

**Тадқиқот методологияси.** Мақолада мантиқий фикрлаш, индукция ва дедукция, статистик гуруҳлаш, эконометрик моделлаш, мантиқий таҳлил усулларидан фойдаланилган бўлиб, назарий ва методологик асоси мактабгача таълим тизими ривожланишига оид республикада ишлаб чиқилган умумий стратегия, мамлакатимиз Президенти Ш.М.Мирзиёевнинг мактабгача таълим ва тарбияга доир қабул қилган фармонлари ҳамда тадқиқот мавзусига оид илмий-методологик адабиётлар бўлиб ҳисобланади. Ахборот базаси сифатида Ўзбекистон Республикаси Мактабгача таълим вазирлиги ва Ўзбекистон Республикаси Статистика қўмитасининг маълумотларидан фойдаланилди.

**Таҳлил ва натижалар.** Ҳукумат нуқтаи назаридан ҳудудларнинг мактабгача таълим тизимининг бошқарув фаолияти самарасини ҳудудлар мактабгача таълим ташкилотлари амал қилишининг натижавий кўрсаткичлари, ёрдамида аниқлашга ҳаракат қилинди:

1. Мактабгача бўлган ёшдаги болаларни таълим муассасаларига қамраб олиш даражаси ( $K_1$ )

$$K_1 = \frac{A_{\text{МТМ} \text{га қатнайдиган ҳудуддаги } 3-7 \text{ ёшдаги болалар}}{A_{\text{ҳудуддаги } 3-7 \text{ ёшдаги болалар}} * 100 \quad (1);$$

2. Нодавлат мактабгача таълим муассасалари улуши ( $K_2$ )

$$K_2 = \frac{N_{\text{ҳудуддаги нодавлат МТМлар миқдори}}}{N_{\text{ҳудуддаги жами МТМлар миқдори}}} * 100 \quad (2);$$

3. Нодавлат мактабгача таълим муассасаларига қатнайдиган болалар улуши ( $K_3$ )

$$K_3 = \frac{A_{\text{нодавлат МТМ} \text{га қатнайдиган ҳудуддаги } 3-7 \text{ ёшдаги болалар}}}{A_{\text{жами МТМ} \text{га қатнайдиган ҳудуддаги } 3-7 \text{ ёшдаги болалар}}} * 100 \quad (3);$$

4. МТМдаги олий маълумотлилар улуши ( $K_4$ )

$$K_4 = \frac{A_{\text{МТМ} \text{ олий маълумотли педагог ходимлари}}}{A_{\text{МТМдаги жами педагог-ходимлар}}} * 100 \quad (4);$$

5. Сўнгги 3 йил ичидаги малака оширган МТМ ходимлари ( $K_5$ )

$$K_5 = \frac{A_{\text{сўнгги 3 йил ичидаги малака оширган МТМ педагог ходимлари}}}{A_{\text{жами МТМ педагог ходимлари}}} * 100 \quad (5);$$

Ҳудудлардаги мактабгача таълим муассасаларини юқоридаги кўрсаткичлар асосидаги таҳлиллар натижасида, кўрсаткичлар миқдори

аниқланади ва ҳудуд мактабгача таълим тизими ривожланганлиги кўрсаткичи геометрик ўртача миқдорда қўйидагича ҳисоблаб чиқарилади:

$$K_{\text{МТМ рив.}} = \sqrt[10]{\prod_{i=1}^{10} K_i} = \sqrt[10]{K_1 * K_2 * K_3 * K_4 * K_5 * K_6 * K_7 * K_8 * K_9 * K_{10}} \quad (6);$$

Маълумки, нисбий кўрсаткичларнинг ўртача миқдори геометрик ўртача миқдор асосида

ҳисобланиб, нисбий миқдорлар бўйича ҳисобланадиган геометрик ўртача миқдор бошқа ўртача

миқдорларга нисбатан аниқроқ натижада беради.

Ўзбекистоннинг Бухоро вилояти мактабгача таълим бошқаруви натижаларини таҳлил қилдик ва мактабгача таълим тизими бошқару-

вии рейтинг баҳолаш услубиёти ёрдамида вилоят мактабгача таълим тизимини ривожланганлик кўрсаткичи 32,8 баллга тенг бўлишини аниқладик:

$$K_{\text{МТМ рив.}} = \sqrt[5]{\prod_{i=1}^5 K_i} = \sqrt[5]{K_1 * K_2 * K_3 * K_4 * K_5} = \sqrt[5]{40,3 * 31,0 * 32,4 * 32,7 * 28,9} = 32,8$$

Вилоятнинг 13 худудлари ҳар бирининг мактабгача таълим тизими ривожланиш кўрсаткичларини ҳисоблаш ишлари давом эттирилди ва худудларнинг ушбу кўрсаткич натижаларига асосан, кетма-кетлиқда жойлашув рўйхати ишлаб чиқилди (1-жадвал).

Жадвал маълумотларидан кўриш мумкинки, Бухоро вилояти худудларида мактабгача таълим тизимига баҳо беришда фойдаланилган бешта кўрсаткичлар натижасида Қоракўл тумани (36,5 коэффицент) энг юқори ва Қоровулбозор тумани (12,5 коэффицент) энг кам натижага эга бўлишган. Бухоро вилояти мактабгача

таълим тизими 2020 йилга вазият тегишли кўрсаткичлар асосида баҳолаб 32,8 коэффицентни ташкил қилимокда. Бухоро вилояти мактабгача таълим тизимини ривожланганлик кўрсаткичи худудлар бўйича ўртacha 29,3 баллни ташкил қилиб, худудларнинг ушбу кўрсаткич бўйича ўртacha квадратик фарқланиши 7,1 га тенг бўлмоқда.

Худудлардаги мактабгача таълим тизими ни ривожланганлик ҳолатига берилган баҳоларини вилоят кўрсаткичи билан таққослаш натижасида, худудларни икки йирик гуруҳларга ажратиш мумкин:

#### 1-жадвал

Худудларнинг мактабгача таълим тизими фаолияти баҳолаш натижалари

Худудлар	Мактабгача бўлган ёшдаги болаларни таълим муассасаларида қамраб олиш даражаси (К1)	Нодавлат мактабгача таълим муассасалари улуши (К2)	Нодавлат мактабгача таълим муассасаларида қатнайдиган болалар улуши (К3)	МТМдаги олий маълумотлилар улуши (К4)	Сўнгги 5 йил ичидаги малака оширган МТМ ходимлари (К5)	Худуд МТМ тизими ривожланганлиги кўрсаткичи	
						Кўрсаткич миқдори „КМТМ рив.“	Вилоят кўрсаткичига нисбатан +,-
Қоракўл т.	25,7	52,9	57,4	35,4	23,5	36,5	3,7
Жондор т.	29,4	44,1	45,7	35,8	26,3	35,4	2,6
Пешку т.	45,0	38,4	41,4	26,5	28,6	35,2	2,4
Ромитон т.	40,2	40,1	43,7	30,2	24,2	34,9	2,1
Шоғиркон т.	20,3	51,7	57,6	29,9	24,8	33,9	1,1
Вобкент т.	39,9	35,3	37,2	25,3	31,2	33,4	0,6
Ғиждувон т.	38,8	35,2	37,4	24,1	29,8	32,6	-0,2
Олот т.	16,4	25,3	28,5	67,0	33,5	30,5	-2,3
Когон т.	24,9	38,7	41,2	20,5	21,3	28,0	-4,8
Бухоро т.	32,8	19,6	21,4	36,8	22,5	25,8	-7
Бухоро ш.	69,7	6,8	5,3	44,6	35,8	20,9	-11,9
Когон ш.	55,5	8,0	6,5	25,2	25,2	17,9	-14,9
Қоровулбозор т.	57,2	3,3	2,1	34,9	22,3	12,5	-20,3
Бухоро вилояти	40,3	31,0	32,4	32,7	28,9	32,8	0

**Манба:** Муаллиф тадқиқотлари натижасида тайёрланган маълумотлар.

Биринчи гурух, вилоят кўрсаткичидан юқори кўрсаткичга эга худудлар, бу гуруҳга Қоракўл (+3,7), Жондор (+2,6), Пешку (2,4), Ромитон (+2,1), Шоғиркон (+1,1) ва Вобкент (+0,6) туманлари киради.

Иккинчи гурух, вилоят кўрсаткичидан паст кўрсаткичга эга худудлар, бу гуруҳга Ғиждувон (-0,2), Олот (-2,3), Когон (-4,8), Бухоро (-7,0), Қоровулбозор (-20,3), туманлари ва Бухоро (-11,9) ҳамда Когон (-14,9) шаҳарлари киради.

Биринчи гурух Қоракўл, Жондор, Шоғиркон ва Вобкент туманларидаги мактабгача таъ-

лим тизимини ривожланганлиги кўрсаткичининг юқори бўлишига сабаб, худудларда нодавлат мактабгача таълим муассаларини ташкил қилишга бўлган катта эътибор бўлса, гуруҳдаги Пешку ва Ромитон туманларида ушбу кўрсаткичининг юқори бўлишига асосий сабаб, мактабгача таълим ёшидаги болаларни таълимга қамраб олиш даражасининг юқори ҳисобланади.

Иккинчи гурух Бухоро ва Когон шаҳарлари, Қоровулбозор ва Ғиждувон туманларида болаларни мактабгача таълимга қамраб олиш даражаси вилоят кўрсаткичидан нисбатан юқори

бўлиб, худудларда нодавлат мактабгача таълим муассасаларини ташкил этиш бошқа худудларга нисбатан суст боргандилиги мактабгача таълим тизимини ривожланганлик кўрсаткичининг паст миқдорда бўлишига сабаб бўлди. Алоҳида қайд этиш жоизки, аҳоли зич жойлашган шаҳар худудларида аҳоли ўз фарзандларини етарли даражада мавжуд бўлган давлат мактабгача таълим муассасаларига юборишади ҳамда бундай муассасаларнинг кўплиги натижасида, болаларни давлат мактабгача таълим муассасаларига қамраб олиш даражаси қишлоқ худудларига нисбатан юқорироқдир.

Олот, Когон ва Бухоро туманларида ёш авлодни мактабгача таълим муассасаларига қамраб олиш даражаси кескин пастлиги ва нодавлат мактабгача таълим муассасалари ташкил этилганлиги ҳамда бундай муассасаларга болалар қатнови даражасининг бошқа худудларга нисбатан пастлиги ушбу худудларда мактабгача таълим тизими ривожланганлик даражаси паст бўлишига олиб келган.

Худудларнинг мактабгача таълим тизимида баҳо бериш ишлари Бухоро вилоятида Қоракўл тумани энг намунали мактабгача таълим тизими ва Қоровулбозор тумани энг қолоқ мактабгача таълим тизими натижаларини қайд қилишган. Ушбу баҳолаш натижаси мактабгача таълим тизими ривожланганлик кўрсаткичи вилоят даражасидан юқори бўлган худудлардаги мактабгача таълим тизими кўрсаткичларини таҳлил қилиш асосида ижобий натижага эга жиҳатларини намуна сифатида қабул қилиш ҳамда вилоят даражасидан паст натижага эга худудларда камчиликларни аниқлаш ва ушбу камчиликларни бартараф қилиш чора-тадбирларни ишлаб чиқиш тавсия қилинади.

Олот ва Шоғиркон туманларида болаларни мактабгача таълимга қамраб олиш даражасини ошириш, туман маҳаллаларида оиласвий, давлат-хусусий шериклиқдаги мактабгача таълим муассасалари ташкил этиш мақсадга мувофиқ бўлиб ҳисобланади. Бухоро ва Когон шаҳлари туб аҳолиси эҳтиёжларига мос, замонавий, болалар учун қулай, электрон воситалар билан етарли даражада жиҳозланган мактабгача таълим муассасалари ташкил қилишга эътибор қаратиш мақсадга мувофиқ. Фиждувон тумани ва Когон шаҳрида мактабгача таълим муассасалари педагог ходимлари маълумотлилик даражасини ошириш, жамоада олий маълумотлилар улушини ортиб боришига аҳамият бериш зарур.

Мамлакатимиз ва худудлардаги мактабгача таълим тизимини бошқарув самарасига фарзандлари мактабгача таълимга қатнайдиган ота-оналар фикрларини ўрганишга батафсил тўхталиш ва ота-оналар фикрларини ҳозирги замон электрон технологиялар (интернет сайти

лари) ёрдамида ижтимоий сўров ўтказиб, ўрганишга ҳаракат қилдик.

Мактабгача таълим ташкилоти фаолияти, кўрсатётган хизматларига баҳо бериш борасида мактабгача таълим тарбияланувчиларнинг ота-оналари фикрини ўрганиш учун тайёрланган анкетага мамлакатимизнинг турли худудларида истиқомат қилаётган 450 нафар фуқароларнинг жавоблари олинди ва таҳлил қилинди. Анкета сўрови <http://docx.google.com> сайти орқали ўтказилган бўлиб, фуқароларнинг берган жавоблари дастурнинг ўзида тўпланди ва таҳлил қилиш жараёнида қулайлик ҳосил қилиді[16].

Фарзандлари мактабгача таълимга қатнайдиган ота-оналарга “Фарзандингизга юқори сифатли таълим ва тарбия бериш борасида мактабгача таълим фаолиятини ривожлантириш учун қандай таклифлар билдирасиз?” мазмунидаги саволимизга энг кўп жавоблар “тарбиячиларнинг олий маълумотли бўлишлари” ҳамда “Барча МТМларда инглиз ва рус тили ўқитувчилари мавжуд бўлиши” ва “МТМларда ўйин майдончалари ва ўйинчоқларни кўпайтириш” мазмунида бўлишган, баъзи респондентлар 2-3 та жавоб ёзганларни боис, жавоблар сони респондентлар сонидан ортиқча бўлган. Биз сўровда қатнашган 450 нафар респондентнинг жавобларини алоҳида келтирмасдан, мазмуни ўхшаш бўлган жавобларни маълум бир гурухларга бирлаштиридик (2-жадвал).

Жадвал маълумотларидан кўриш мумкинки, ота-оналар юқоридагилардан ташқари, яна мактабгача таълим билан қамраб олиш ёш болаларнинг 2 ёшга тўлганларидан бошлаб амалга ошириши таклиф қилишган. Шунингдек, тарбиячиларнинг иш ҳақларини ошириб бориш, ҳар бир машғулот доимий кузатувда бўлиши, гурухлардаги болалар 15 нафардан оширилмаглиги, МТМларда спорт заллари кераклиги, болаларнинг саломатлиги ва овқатланишини доимий назорат қилиш, қиши мавсумида бинони иситиш, ҳар бир хонани телевизор билан таъминлаш каби фикрларни билдиришган. Республикаиздаги ҳар бир худудда мавжуд ва янги ташкил қилинаётган МТМлар раҳбарлари ота-оналарнинг ушбу фикрларини инобатга олишлари зарур бўлиб ҳисобланади.

Берилган жавоблар ота-оналар фарзандларининг МТМга қатнаши учун ота-она тўлови миқдори ҳақида фикр билдиримаганликлари ушбу тўлов миқдори улар учун мақбул эканлигини, инсонпарварлик тамойили асосида ишлаб чиқилганлигини англатади. Шунингдек, ота-оналар МТМ ходимлари фаолиятларидан шикоят қилмаганликлари, МТМ ходимлари ўз касбларини сидқидилдан бажараётганликлари, тарбиячиларнинг маълумотлилик даржаларини оши-

## ТАЪЛИМ ВА ФАН

ришлари бўйича берилаётган таклифлари эса МТМларда ёш авлодга берилаётган таълим ва

тарбия сифатини оширишга бўлган уринишлар деб ҳисоблаш мумкин.

2-жадвал

**"Фарзандингизга юқори сифатли таълим ва тарбия бериш борасида МТМ фаолиятини ривожлантириш учун қандай таклифлар билдирасиз?" мазмунидаги саволга  
респонденлар томонидан билдирилган фикрлар**

Респондентларнинг фикрлари	Респондентлар сони, киши	Улуши, %
Барча тарбиячилар олий маълумотли бўлсин	138	26,8
Чет тили (инглиз ва рус тиллари) ўқитувчилари керак	113	22,0
Ўйин майдончалари ва ўйинчоқларни кўпайтирсингилар	86	16,7
МТМларга 2 ёшли болаларни қабул қилишсин	59	11,5
Тарбиячиларнинг иш ҳақи оширилса, ишига меҳр қўяди	43	8,4
Ҳар бир машғулотни кузатиб туриш зарур	26	5,1
Гурухлардаги болалар сонини 15 нафардан оширишмасин (баъзан гурухларда болалар 30 нафардан ошади).	19	3,7
Спорт зали керак	12	2,3
Овқатланиш доим назорат қилиб борилсин	6	1,2
Чет тили тўғраги ҳар бир МТМда бўлсин	5	1,0
Қишида бинони иситиш яхши бўлсин	3	0,6
Болалар саломатлигига эътибор кўпайсин	2	0,4
Ҳар бир гуруҳ хонаси телевизор билан таъминлансан	2	0,4
<b>Жами:</b>	<b>514</b>	<b>100,0</b>

**Манба:** Муаллиф ўтказган ижтимоий сўров натижалари асосида тайёрланган.

Республикамиз худудларида фаолият юритаётган МТМлар раҳбарларининг бошқарув салоҳияти, қўлланилаётган менежмент усуllibari, бошқарув самарасини МТМ таълим ва тарбия жараёнида банд бўлган ходимларнинг фикрлари ёрдамида ўрганишга ҳаракат қилдик. Ҳар бир ташкилотда раҳбарнинг бошқарувчилик салоҳияти, бошқарув бўйича эгаллаган билим ва кўнималари, бошқарув жараёнида қўлланиладиган менежмент тамойиллари, усуllibari корхона фаолияти натижаларида, меҳнат жамоасидаги муҳит, ходимлар меҳнатининг натижасида ўз аксини топади.

Мактабгача таълим муассасаларда раҳбар

ва унинг бошқарув фаолиятига ходимларнинг муносабатини ўрганиш мақсадида, ижтимоий сўров ўтказдик.

Ижтимоий сўров замонавий электрон веб-сайтлари ёрдамида <https://docs.google.com> интернет сайтидаги маҳсус дастурлар асосида амалга оширилиб, ижтимоий сўровга мамлакатимиз худудларидаги мактабгача таълим муассасалар таълим ва тарбия жараёнида меҳнат қилаётган 165 нафар ходимлар иштирок этишиди [17]. 63,0 фоиз респонденлар фикрига асосан, мактабгача таълим муассасаларида ходимларнинг мақсад ва вазифалари аниқ белгилаб беришган (3-жадвал).

3-жадвал

**"Мактабгача таълим муассаса барча ходимларининг мақсад ва вазифалари аниқ белгиланганми?" ва "Мактабгача таълим муассаса раҳбари жамоани меҳнатга даъват қила оладими?" саволларига респондентларнинг фикрлари**

"Мактабгача таълим муассаса барча ходимларининг мақсад ва вазифалари аниқ белгиланганми?" саволига жавоблар		"Мактабгача таълим муассаса раҳбари жамоани меҳнатга даъват қила оладими?" саволига жавоблар		Респондентлар	
Жавоблар	Респондентлар		Жавоблар	Респондентлар	
	Сони, киши	Улуши, %		Сони, киши	Улуши, %
Ҳа	104	63,0	Ҳа	98	59,4
Йўқ	36	21,8	Йўқ	33	20,0
Қисман	17	10,3	Қисман	22	13,3
Жавоб бермаганлар	8	4,8	Жавоб бермаганлар	12	7,3
<b>Жами:</b>	<b>165</b>	<b>100,0</b>	<b>Жами:</b>	<b>165</b>	<b>100,0</b>

**Манба:** Муаллиф ўтказган ижтимоий сўров натижалари асосида тайёрланди.

Ушбу вазият мактабгача таълим муассаса меҳнат жамоасидаги вазиятнинг ижобий эканлиги, яъни барча ходимлар ўзларининг лавозимлари бўйича бажарадиган функцияларини анлаган ҳолда, топшириқларни ўз вақтида бажариб борадилар.

21,8 респондентларнинг фикрларига кўра, мактабгача таълим муассасаларда ходимлар ўз мақсад ва вазифаларини билмайдилар. Бу ачинарли вазият бўлиб, ходимларнинг ўз лавозимлари доирасида мақсад ва вазифаларни англамасликлари ходимларда иш ўрнидан бегонала-

## ТАЪЛИМ ВА ФАН

шув ва лоқайдлик, шунингдек, меҳнатга натижаларининг пасайишига олиб келади.

59,4 фоиз респондентлар мактабгача таълим муассаса раҳбари жамоани меҳнатга, топшириқ ва вазифаларни бажаришга даъват қила олади. 20,0 фоиз респондентлар мактабгача таълим муассаса раҳбари ходимларни меҳнатга даъват қила олмаслигини билдиришгани салбий ҳолат бўлиб, мамлакатимиз 20,0 фоиз мактабгача таълим муассасаларида раҳбар меҳнат жамоасини бошқара олмаслигини кўрсатади.

Респондентларнинг 51,5 фоизи мактабгача таълим муассаса бошқарувида ташкилий, 16,4 фоизи ижтимоий-психологик, 14,5 фоизи иқтисодий, 4,5 фоизи маъмурий менежмент усуллари қўлланилади деган фикрни билдиришган (4-жадвал).

Мамлакатимиз мактабгача таълим муассасаларида меҳнатни рағбатлантириш ҳолатига эътибор қаратадиган бўлсақ, афсуслар билан айтиш мумкинки, 27,9 фоиз респондентлар "Умуман рағбатлантирилмайди" жавобини бел-

гилашган ва 16,4 фоиз респондентлар ушбу саволга жавоб беришмаган.

Маълумки, корхона молиявий имкониятларидан келиб чиқиб, ходимлар меҳнатини моддий ва маънавий рағбатлантиришни амалга ошириб борилиши ходимлар фаоллигини ошириб, меҳнат натижаларининг сифат ва миқдор бўйича ошишини таъминлайди. Респондентларнинг 23,6 фоизи бир марталик мукофотлар, 9,1 фоизи тариф ставкалари оширилишини, 8,5 фоизи пул ва моддий ёрдам берилшишини, 7,3 фоизи устама ҳақлар белгиланишини ва 7,3 фоизи бошқа хил куринища рағбатлантиришлар амалга оширилишини билдиришган.

Бу кўрсаткичлар қоникарли ҳолатда бўлиб, респондентларнинг 55,8 фоизи мактабгача таълим муассасаларда турли кўринишдаги иқтисодий рағбатлантиришлар мавжудлигини қайд қилишган ва 44,2 фоиз респондентлар мактабгача таълим муассасаларда меҳнатни рағбатлантириш амалга оширилмаётганлигини кўрсатишган.

### 4-жадвал

**"Мактабгача таълим муассаса бошқарувида, асосан, қандай усуллар қўлланилади?" ва  
"Мактабгача таълим муассаса ходимларининг меҳнатини рағбатлантириша қайси иқтисодий усуллар қўлланилади?" саволига жавоблар**

"Мактабгача таълим муассаса бошқарувида, асосан, қандай усуллар қўлланилади?" саволига жавоблар			"Мактабгача таълим муассаса ходимларининг меҳнатини рағбатлантириша қайси иқтисодий усуллар қўлланилади?" саволига жавоблар		
Жавоблар	Респондентлар		Жавоблар	Респондентлар	
	Сони, киши	Улуси, %		Сони, киши	Улуси, %
Ташкилий	85	51,5	Бир марталик мукофот	39	23,6
Ижтимоий- психологияк	27	16,4	тариф ставкалари оширилади	15	9,1
Иқтисодий	24	14,5	Пул ва моддий ёрдам берилади	14	8,5
Маъмурий	8	4,8	Устама ҳақлар белгиланади	12	7,3
Жавоб бермаганлар	21	12,7	Бошқа хил кўринища	12	7,3
Жами:	165	100,0	Умуман рағбатлантирилмайди	46	27,9
			Жавоб бермаганлар	27	16,4
			Жами:	165	100,0

**Манба:** Муаллиф ўтказган ижтимоий сўров натижалари асосида тайёрланди.

Бу эса мактабгача таълим муассаса раҳбарлари ходимлар меҳнатини моддий рағбатлантириб боришларини йўлга қўйишлари зарурлигини кўрсатади. "Мактабгача таълим муассаса меҳнат жамоасида психологик муҳит қандай?"

қандай?" саволига аксарият мактабгача таълим муассаса ходимлари "Дўстона" ва "Иш юзасидан муносабатлар" жавобларини билдиришган (5-жадвал).

### 5-жадвал

**"Мактабгача таълим муассаса меҳнат жамоасида психологик муҳит қандай?" саволига жавоблар ва "Сизга тўланаётган иш ҳақи ва моддий рағбатлантириш миқдори маъқулми?" саволига жавоблар**

"Мактабгача таълим муассаса меҳнат жамоасида психологик муҳит қандай?" саволига жавоблар			"Сизга тўланаётган иш ҳақи ва моддий рағбатлантириш миқдори маъқулми?" саволига жавоблар		
Жавоблар	Респондентлар		Жавоблар	Респондентлар	
	Сони, киши	Улуси, %		Сони, киши	Улуси, %
Аъло	15	9,1	Маъқул	29	17,6
Дўстона	66	40,0	Қисман	44	26,7
Иш юзасидан муносабатлар	42	25,5	Йўқ	79	47,9
Ёмон	25	15,2	Жавоб бермаганлар	13	7,9
Жавоб бермаганлар	17	10,3	Жами:	165	100,0
Жами:	165	100,0			

**Манба:** Муаллиф ўтказган ижтимоий сўров натижалари асосида тайёрланди.

9,1 фоиз респондентлар “Аъло” ва 15,2 фоиз респондентлар “Ёмон” жавобини белгилашган. Ушбу саволга жавоб бермаганлар 17 нафар ёки респондентларнинг 10,3 фоизини ташкил қилишган. Шу ўринда айтиш жоизки, тарбиячилар ва мактабгача таълим муассасанинг бошқа ходимлари меҳнатига ҳақ тўлаш ва меҳнатларини моддий рағбатлантириш юқори даражада ташкил қилиниши мактабгача таълим муассасалар меҳнат жамоаларида психологияк муҳит аъло даражада эканлигини билдирадиган респондентлар улуши 9,1 фоиздан анча юқори улушни эгаллашарди.

“Сизга тўланаётган иш ҳақи ва моддий рағбатлантириш миқдори маъқулми?” саволига респондентларнинг 47,9 фоизи “Йўқ”, 26,7 фоизи “Қисман”, 17,6 фоизи “Маъқул” жавобларини белгилашган ва 7,9 фоиз респондентлар ушбу саволга жавоб бермаганлар. Респондентларнинг ушбу саволга берган жавобларини ижобий кўринища деб бўлмайди, бу эса яқин келажакда мактабгача таълим тизими бошқарувига ваколатли ташкилотлар раҳбарлари мактабгача таълим муассаса ходимлари иш ҳақларини ошириш ва меҳнатни моддий рағбатлантиришга эътибор қаратишлари мақсадга мувофиқ.

**Хуроса.** Мактабгача таълим тизими бошқаруви саамарасини таҳлил қилиш худудлар кесимида эришилаётган ютуқлар ва йўл қўйилаётган камчиликларни кўрсатиб беради.

Ўзбекистон Республикаси Бухоро вилояти мактабгача таълим тизими ривожланишини рейтинг баҳолаш услубиёти бўйича баҳолаганимизда, вилоятнинг Олот, Когон ва Бухоро туманларида ёш авлодни мактабгача таълим муассасаларига қамраб олиш даражаси кескин пастлиги ва нодавлат мактабгача таълим муассасалари ташкил этилганлиги ҳамда бундай муассасаларга болалар қатнови даражасининг бошқа худудларга нисбатан пастлиги ушбу худудларда мактабгача таълим тизими ривожланганлик дарајаси паст бўлишига олиб келган.

Худудларнинг мактабгача таълим тизимида баҳо бериш ишлари Бухоро вилоятида Қоракўл тумани энг намунали мактабгача таълим тизими ва Қоровулбозор тумани энг қолоқ мактабгача таълим тизими натижаларини қайд қилишган. Ушбу баҳолаш натижаси мактабгача таълим тизими ривожланганлик кўрсаткичи вилоят даражасидан юқори бўлган худудлардаги мактабгача таълим тизими кўрсаткичларини таҳлил қилиш асосида ижобий натижага эга жиҳатларини намуна сифатида қабул қилиш ҳамда вилоят даражасидан паст натижага эга худудларда камчиликларни аниқлаш ва ушбу камчиликларни бартараф қилиш чора-тадбирларни ишлаб чиқиш тавсия қилинади.

Бухоро вилоятининг Олот ва Шоғиркон

туманларида болаларни мактабгача таълимга қамраб олиш даражасини ошириш, туман маҳаллаларида оиласи, давлат-хусусий шерикликдаги мактабгача таълим муассасалари ташкил этиш мақсадга мувофиқ бўлиб ҳисобланади. Бухоро ва Когон шаҳарлари туб аҳолиси эҳтиёжларига мос, замонавий, болалар учун қулай, электрон воситалар билан етарли даражада жиҳозланган мактабгача таълим муассасалари ташкил қилишга эътибор қаратиш мақсадга мувофиқ. Фиждувон тумани ва Когон шаҳрида мактабгача таълим муассасалари педагог ходимлари маълумотлилар даражасини ошириш, жамоада олий маълумотлилар улушкини ортиб боришига аҳамият бериш зарур.

Мамлакатимиз ва худудлардаги мактабгача таълим тизимини бошқарув самарасига фарзандлари МТМларга қатнайдиган ота-оналар фикрларини ўрганиш натижасида, кўплаб ота-оналар болаларига берилаётган таълим ва тарбиянинг сифатини оширишни, яъни олий маълумотли тарбиячилар қўпайишини, фарзандларига хорижий тиллар ўргатилишини ва таълим ташкилотларининг моддий-техник базасини бойитишини сўрашган.

Шунингдек, ота-оналар мактабгача таълим муассасаларига ёш болаларнинг 2 ёшга тўлганларидан бошлаб қабул қилишларини, тарбиячиларнинг иш ҳақларини ошириб бориши, ҳар бир машғулот доимий кузатувда бўлиши, гурухлардаги болалар 15 нафардан оширилмаслиги, МТМларда спорт заллари кераклиги, болаларнинг саломатлиги ва овқатланишини доимий назорат қилиш, қиши мавсумида бинони иситиш, ҳар бир хонани телевизор билан таъминлаш каби фикрларни билдиришган. Республикамиздаги ҳар бир худудда мавжуд ва янги ташкил қилинаётган МТМлар раҳбарлари ота-оналарнинг ушбу фикрларини инобатга олишлари зарур бўлиб ҳисобланади.

Мактабгача таълим ташкилотлари ходимларидан ўзлари меҳнат қилаётган ташкилот бошқаруви тўғрисида фикрлари ўрганилганда, “Мактабгача таълим муассасада ходимларнинг мақсад ва вазифалари аниқ белгиланмаган”, “Мактабгача таълим муассаса раҳбари меҳнат жамоасини меҳнатга даъват қила олмайди”, “Мактабгача таълим муассасада жуда кўп низоли вазиятлар содир бўлади” мазмунидаги жиҳоблар берган ва мактабгача таълим муассаса раҳбарининг бирор ижобий жиҳатини кўрсата олмаган респондентлар ўзларининг мактабгача таълим муассасалари раҳбарларининг ёшини 34 ёшдан кичик ва 55 ёшдан катта деб белгилашган, мактабгача таълим муассаса раҳбарининг маълумоти ўрта маҳсус, мутахassisligини педагогика ва иқтисодиётдан бошқа мутахassislikлар деб белгилашган.

Хулоса сифатида айтиш жоизки, мактабгача таълим муассасаса раҳбарининг ёши 35-55 ёшларда, олий маълумотли, иқтисодиёт ёки педагогика мутахассислигига эга, аёл жинсиадаги раҳбар бўлиши мактабгача таълим муассасаса бошқарув фаолияти самарали кечиши, меҳнат

жамоаси юқори натижаларга эришиб бориши мумкин. Мактабгача таълим муассасаларидағи кузатув кенгашлари мактабгача таълим муассасасига раҳбарликка номзод тавсия қилаётган вақтларида ушбу меъонларга эътибор қартишлари мақсадга мувофиқ.

### Манба ва адабиётлар рўйхати:

1. Ўзбекистон Республикасининг 2019 йил 16 декабрдаги 595-сонли "Мактабгача таълим ва тарбия тўғрисида"ги Қонуни, Халқ сўзи, 2019 йил 17 декабрь 260-сони.
2. Ўзбекистон Республикаси Президентининг 2019 йил 8 майдаги ПҚ-4312-сонли "Ўзбекистон Республикаси мактабгача таълим тизимини 2030 йилгача ривожлантириш концепциясини тасдиқлаш тўғрисида"ги Қарори. Халқ сўзи, 2019 йил 9 май 95-сони.
3. Ўзбекистон Республикаси Президенти Шавкат Мирзиёевнинг Олий Мажлисга Мурожаатномаси, Халқ сўзи газетаси 2020 йил 30 декабрь сони 1-2 бетлар.
4. Белых С.С. "Управление развитием дошкольного образования в Республике Коми в условиях рыночной экономики" дисс. Сыктывкар, Россия. СыктГУ, 1998.
5. Muminov Kh.I., Jurayev A. (2019) Forecasting economic growth by multi-factored model. Journal Economics and Innovative Technologies, № 5, september-october pp. 83-89 <http://iqtisodiyot.tsue.uz>
6. Muminov Kh.I., Jurayev A. (2020) The Impact of the coronavirus pandemic on exports to the economic growth of Uzbekistan. Trans Asian Journal of Marketing & Management Research (TAJMMR), Vol. 9, No 11, November 2020, pp. 19-26, <https://www.indianjournals.com>
7. Муминов Х.И. (2020) Прогнозирование экономического роста на основе временных рядов и многофакторной модели, (Forecasting of economic growth on time series and a multi-factor models), Научные вести, № 4(23), стр. 117-128, <http://www.nvesti.ru/%d0%b0%d1%80%d1%85%d0%b8%d0%b2/>
8. Набиева С. ва б. "Мактабгача таълимда буњок мутафаккирлар ва тарихий ёдгорликлар" Ўқув қўлланма. КўконтДПИ. 2008.
9. Нуркельдиева М. "Мактабгача ва коррекцион педагогика" Ўқув қўлланма. Т. ТДПУ, 2013 й.
10. Шодмонова Ш. "Мактабгача таълим педагогикаси" Ўқув қўлланма. Т. "Фан ва технология" н. 2008 й.
11. Петряков П.А. "Концепции и стратегии образовательного менеджмента ВУЗа в отечественной и зарубежной педагогике" автореферат. Великий Новгород, Россия, ИПЦ НовГУ, 2013.
12. Сафаров О.А. "Замонавий менежмент ёндашувлари асосида халқ таълими тизимини бошқаришини такомилластириш" автореферат, Тошкент, 2018. «Академия ноширик маркази» Давлат унитар корхонаси н. 13-б.
13. Ўзбекистон Республикаси Мактабгача таълим вазирлиги маълумотлари, [www.mdo.uz](http://www.mdo.uz)
14. Ўзбекистон Республикаси Давлат Статистика қўмитаси маълумотлари [www.stat.uz](http://www.stat.uz)
15. Тадқиқотчи томонидан ўтказилган ижтимоий сўров натижалари.
16. [https://docs.google.com/forms/d/1-q702718-livwthbKK0Pk\\_sLEARsufELygusJ8wJcs0/edit](https://docs.google.com/forms/d/1-q702718-livwthbKK0Pk_sLEARsufELygusJ8wJcs0/edit)
17. [https://docs.google.com/forms/d/1OF57hAD77qfxjlodtH4JSFnXKSxEJMViDbUJ7gI\\_Dg/edit](https://docs.google.com/forms/d/1OF57hAD77qfxjlodtH4JSFnXKSxEJMViDbUJ7gI_Dg/edit)

## ДИНИЙ ТАЪЛИМ МУАССАСАЛАРИНИ МОЛИЯЛАШТИРИШНИНГ КОНСЕПТУАЛ АСОСЛАРИ

Дусанов Салим Мамарасулович -  
Тошкент давлат иқтисодиёт университети,

Мустақил тадқиқотчи  
Маллабоев Абдуллоҳ -  
Ўзбекистон халқаро ислом академияси,  
Манбалар хазинаси мудир ўринбосари

**Аннотация:** Мақолада диний таълим муассасаларини молиялаштириш, молиявий ресурслардан файдаланиш самараорлиги, мударрис(профессор-ўқитувчилар) ва талабаларни молиявий қўллаб-куватлаш механизmlари, молиялаштириш мотивацияларининг аҳамияти ва роли каби долзарб масалалар ёритилган. Диний таълим муассасалари молиялаштиришнинг аҳамияти ва уни ривожланиши босқичлари борасида ўзбек ва хориж олимларининг таҳлилий ёндашувлари ўрганилди. Мақолада монографик ва эксперт ҳамда тизимли таҳлил натижаларига асосланиб, молиялаштиришнинг тарихий аҳамияти ва бугунги кундаги ҳолатининг қўёсий таҳлиллари кўрсатиб берилган.

**Калим сўзлар:** давлат таълим муассасалари, динга оид таълим, қиссалар, саводхонлик, мударрис, талабалар, мактаб, муаллим, муддабид (одоб берувчи, тарбиячи, мураббий), масжид, мадраса, вақтбай маош, ўқувчилик нафақаси (маоши), қозилар, Байтул-ҳикма, Фотимиийлар, Низомул-мулк, Низомия, жоиза, мукофот, мақтоб, рағбатлантириш, шижаотлантириш (қўллаб-куватлаш), адабий мукофот, маҳсус диний таълим, расмий диний таълим электрон портали.